

從地涌出品第十五

第一章：略解品目及大意

先解品目：本經從此以下至全經完，屬於本門。是爲宏讚妙法，及依妙法而行的勝人勝事，以巧顯本迹；即是開示萬行同歸不可思議的一心。心如大地，能生萬物，天長地久，喻其久遠；故有佛久遠所化之無量菩薩，從地涌出，此是世界悉檀。如來三世化物度人，善巧方便的智慧無上，成就的功德無上，如一月萬影，難思難量。召過去久遠所化的無量菩薩，已超生死地，已入如來地，從地涌出，用影如來教化無上，此是爲人悉檀。虛空常一，喻真理只有一個，三世皆同。但以今之弟子猶迷未悟，故召昔之弟子，從下虛空涌出，住於上空，使今弟子見而生疑致請，經佛解說，則破執近迹之心，達遠本之理，此是對治悉檀。地者，即一乘實相境，也就是生佛平等的淨心地，這是諸佛所究竟證得，亦可名爲佛之果地、覺地。此心此地此境，有佛無佛，萬古常新。三世諸佛及三世弟子，六度萬行，乃一朝風月。父久服此常新之藥，故老而若少。兒亦久稟此不死之方，故少而若老。老少乃一朝風月，妙藥乃萬古常新。今示此不思議之妙藥（淨心）

，咸令大地有情得知得服（悟證），同得如來果地覺地，故言從地涌出，此是第一義悉檀。

本品大意：(一)上品佛所示四安樂行，一一皆要從吾人清淨心地上著力，觀空不著空，涉有不滯有。今品特舉成就四行之人，即是從地涌出住空之弟子。從地故不著空，住空故不著有，不著二邊，不廢二邊，始可證得住、行、向、地、妙覺之果地；令凡有見聞者，當效法修習也。(二)本經迹門已說開權顯實的教法，今當說本門開近顯遠的果法，故藉諸菩薩從地涌出之因緣而爲發起。(三)爲令聞妙法弟子，悟萬行不離一心，入事事無礙法界，故說此品。此中略明五種無礙：一者空色無礙——如佛一音纔宣（空即是色），大千震裂（色即是空）是。二者一多無礙——如地涌的菩薩，有將多眷屬，有單己一人，各不相妨是。三者延促無礙——如五十小劫，謂如半日是。四者隱顯無礙——如明顯是釋尊弟子，卻隱密而彌勒不識是。五者本迹無礙——如迹現伽耶成道，本已久垂應化是。總之，欲入事事無礙玄門，欲得妙法化化不息，須悟證一切無礙之一心，本品所說，其意在此。

第二章：隨文解釋

從本品初起至「汝等一心聽」，是本門序說。從「爾時，世尊說偈已，告彌勒菩薩」以下，至全品完，是本門正說的略示。從壽量品至分別功德前半品，彌勒說偈竟，是本門正說的廣明。從分別功德後半品起至普賢勸發品，是本門的宏通。此與迹門相同，各有序說、正說、宏通三分。但序說是別序，發起序；宏通也是別意流通，非一般流通分也。

乙二、宏讚妙法，萬行一心，巧顯本迹明法身。

丙一、序說

丁一、他方菩薩請持

爾時，他方國土諸來菩薩摩訶薩，過八恆河沙數，於大眾中起，合掌作禮而白佛言：世尊！若聽我等於佛滅後，在此娑婆世界，勤加精進，護持、讀、誦、書寫、供養是經典者，當於此土而廣說之。

他方菩薩參加法華盛會，已聽佛說一心萬行的迹門，慕此宏通妙經之勝福，故請佛聽許在此土宏宣妙法，發願作五種法師，修十種供養，普度娑婆眾生也。

丁二、如來不許

爾時，佛告諸菩薩摩訶薩：止！善男子！不須汝等護持此經。所以者何？我娑婆世界，自有六萬恆河沙等菩薩摩訶薩，一一菩薩各有六萬恆河沙眷屬，是諸人等，能於我滅後護持、讀誦、廣說此經。

「不須汝等護持此經」者，謂不須他方菩薩在此土護持是經。約事說：此中有三意——(一)汝等各有因緣，各有己任，若住此土，廢彼利益，佛故不許。(二)他方菩薩與此土眾生緣淺，雖誓願此土宏通妙法，必無巨益，佛故不許。(三)佛若許之，則不得召下方久遠所化弟子，從地涌出。無久遠之弟子，則無久遠之師，如是便不能開近顯遠，開迹顯本，故佛不許。

約理說：三世一切佛法，皆是自心現量。六識心雖然具足煩惱，若能轉為無塵智，悟得自性清淨的本心，則六識盡為妙觀察智矣！轉識成智，必須自修自證，不待他求，不假他助。若向外馳求，及希他教化，皆如來之所不許也。

丁三、此方涌出

戊一、從地涌出

佛說是時，娑婆世界三千大千國土，地皆振裂，而於其中有無

量千萬億菩薩摩訶薩同時涌出。是諸菩薩身皆金色，三十二相，無量光明，先盡在此娑婆世界之下，此界虛空中住。是諸菩薩，聞釋迦牟尼佛所說音聲，從下發來。一一菩薩，皆是大眾唱導之首，各將六萬恆河沙眷屬。況將五萬、四萬、三萬、二萬、一萬恆河沙等眷屬者。況復乃至一恆河沙、半恆河沙、四分之一，乃至千萬億那由他分之一。況復千萬億那由他眷屬，況復億萬眷屬，況復千萬、百萬乃至一萬。況復一千、一百、乃至一十，況復將五、四、三、二、一弟子者，況復單已樂遠離行。如是等比，無量無邊，算數譬喻所不能知。

「地皆振裂，同時涌出」者，表開迹顯本，應佛召而來。約事說：亦有三義——(一)從地涌出諸大菩薩，是世尊久遠前教化的弟子，應當宏宣本師之妙法，如兒子應紹父業，此是世界悉檀。(二)大千世界地皆振裂，即喻此諸菩薩與此土衆生緣深且廣，能普遍於娑婆及佛分身之十方世界而作利益，此是爲人悉檀。(三)開近，有對治衆生執近之益。顯遠，有令入第一義之益。具有四悉檀益，故應召從地而涌出也。

約理說：地喻萬行所依如來藏心，諸法實相之地，離一切相，即一切法。離故無相，即故無不相。如起信論說：「離語言相，文字相，心緣相。」此心此地，唯證方知。涌出菩薩，喻如來藏心顯現，清淨法身起用。今三周說竟，開方便門，示真實相，弟子依教奉行，由是藏心法身，於衆生無明心中顯現，因緣和合，當處出生。地皆振裂，此表藏心法身，無破而破裂煩惱障所知障而現。湧住虛空，此表藏心法身，無住而安住無相無不相的第一義空而住。如華嚴經說：「心如工畫師，能畫諸世間，五蘊悉從生，無法而不造。」故曰地皆振裂，同時涌出，住在虛空。此即本覺起始覺，破煩惱生死地，趣向究竟無上正覺之義。

「身皆金色，三十二相，無量光明。」這是佛身的相好。別初地圓初住以上菩薩，已入分證即佛位，皆可於十方世界示現應身，相好光明相等於佛。本師久化無量菩薩，皆久遠以來成就四安樂行，已出二種生死地，已入等同如來之地，故有身皆金色，相好光明。

「此世界下，虛空中住」者，此世界下，即非娑婆衆生。住於虛空，又非彼下界有情。非此非彼，即此即彼，此乃住於常寂光淨土也。常即法身，寂即解脫，光即般若，是爲本師久化之菩薩，安住不縱不橫的三德秘藏也。當知：衆生本

有三德爲所依，菩薩修得三德爲能依，能所並具依正兩報，身土不二，能所不二，這是盧舍那圓滿報身之相。一佛成佛時，徧十法界皆此佛之依正，佛佛如是，互徧互入，互現互融，如一室千燈，重重相涉，重重無盡。諸佛既爾，一切分證即佛的菩薩，亦復如是。諸佛菩薩是修德所顯如是，一切衆生是性德所具亦如是；但因迷悟之不同，而有六即之差別。所以地獄衆生之依正，全是極果聖人之心；舍那報佛之身土，皆不離下凡衆生之一念。悟得此一心萬行，即可開佛知見，顯現舍那身相，同於地涌諸菩薩也。諸上善人！彼既如是我亦爾，寧不自勉力修持，同於諸大菩薩，證入第一義空的眞如淨心耶？

「從下發來」者，約事說：聞本師之命故來，欲宏通妙法故來。約理說：破九法界衆生之下地，而發心趣求無上佛果故來；破近迹而顯遠本故來。

地涌菩薩，皆是大衆唱導之首者，謂具導師之德，能引九法界衆生至於寶所也。眷屬，即弟子衆多之稱。所列眷屬，由六萬恆河沙，至千萬億那由他分之一恆河沙，這是以恆河沙爲單位而遞減之數字。數遞減，其菩薩之數目轉爲增多。再以那由他，即此土數量之「姪」爲單位，遞減至單一弟子，亦是眷屬逾少，其菩薩數目展轉倍多。所謂「單已樂遠離行」，即是獨行並無弟子者，此類菩薩更

多。總而言之，涌出菩薩之多，不可稱計，故曰：「如是等比，無量無邊，算數譬喻所不能知。」

當知：一己非獨，六萬恆河沙眷屬非多。此表一心而萬行則非獨，萬行即一心則非多。多不爲多，一不爲一，非多非一，能多能一，其能如此不可思議者，豈非吾人現前介爾之一心一念乎！若約菩薩法門來說，「一」即一道清淨，諸法唯一心。「二」即福智二嚴。「三」即戒定慧三無漏學。「四」即四諦。「五」即五眼。「六」即六度。一一度徧緣十法界，十界互具便成百界，界各十如即具千如，十善乘之即有萬。一度具萬，六度即含六萬恆河沙法門矣！是故古德說：「百千法門不離方寸，恆河功德盡在心源。」法門如此，功德如此，佛菩薩皆如此，眷屬亦如此也。

戊二、升空讚禮

是諸菩薩從地出已，各詣虛空七寶妙塔多寶如來釋迦牟尼佛所作禮。到已，向二世尊頭面禮足，及至諸寶樹下師子座上佛所，亦皆作禮。右繞三匝，合掌恭敬，以諸菩薩種種讚法而以讚歎，住在一面，欣樂瞻仰於二世尊。

多寶塔處於虛空，故升空禮讚，恭敬供養。禮足右繞，是身業供養。以種種讚法讚歎如來，是口業供養，合掌恭敬欣樂瞻仰，是意業供養。以此不思議三業，供養不思議的三身佛，即是以法供養如來，爲諸供養中最爲第一也。

戊三、神力促時

是諸菩薩摩訶薩，從初涌出，以諸菩薩種種讚法而讚於佛，如是時間經五十小劫。是時釋迦牟尼佛默然而坐，及諸四衆亦皆默然。五十小劫，佛神力故，令諸大衆謂如半日。

讚佛五十小劫之久，此顯佛德彌深彌廣。佛以神力促短之，令大衆謂如半日，此顯衆生心量彌淺彌狹。約佛法的真諦說，時空皆非實法。約俗諦說，各類衆生，各有其所感覺之時分不同。如俗話說：「山中方七日，世上幾千年。」又說：「新婚嫌夜短，棄婦苦日長。」即此類也。人類的時分，爲時、日、月、年、世紀等。向上三界諸天，其時分是倍倍增長，如人間五十年，四王天只一日，四王天五十年，又只爲忉利天之一日。至佛之時分，則真俗圓融，不可思議，無長無短，可長可短，短劫攝長劫，長劫攝短劫，所謂循衆生心，應所知量。衆生感覺時分無量，佛之時分亦無量。衆生感覺只半日，佛之時分亦只半日。非同九法界衆生心中之時分決定有限量，有數量也。今地涌菩薩讚佛，乃二諦圓融的境界，無延促相，無差別相。隨衆生心量之時間（俗諦），故有五十小劫；佛神力故（真諦），令大衆謂如半日之相。況且在會大衆有法食資持，又得佛神力所加，故經多劫，年命不虧，如同半日，這也說得通。

戊四、四衆共見

爾時，四衆亦以佛神力故，見諸菩薩徧滿無量百千萬億國土虛空。

上節是念劫圓融，此節是廣狹無礙，全顯毘盧性海，華藏玄門的境界；亦即親證萬行一心，一心萬行的實相。此心豎窮三際，豈有時分之限量？此心橫徧十方，故見菩薩徧滿無量國土虛空。

戊五、導師省問

是菩薩衆中有四導師：一名上行，二名無邊行，三名淨行，四名安立行。是四菩薩於其衆中，最爲上首唱導之師。在大衆前，各共合掌，觀釋迦牟尼佛而問訊言：世尊！少病、少惱，安樂行不？所應度者受教易不？不令世尊生疲勞耶？爾時，四大菩薩而

說偈言：

世尊安樂 少病少惱 教化衆生 得無疲倦 又諸衆生
受化易不 不令世尊 生疲勞耶

在無量菩薩中，標舉四導師者，表修四安樂行成就，開示悟入佛之知見，則可證入圓住、行、向、地四十位，而爲九法界衆生之導師，故四導師皆名爲行。先列名，次敘德，後省問。「上行」者，行高，稱合菩薩行處及近處，開佛知見，行於中道，超二乘及權教菩薩之上，入圓十住位也。「無邊行」者，行廣，三業及誓願，皆時空無盡，能修一心萬行，示佛知見，徧緣十法界，一行一切行，入圓十行位也。「淨行」者，無執著，悟佛知見，自性離著，依止自性清淨心而行，理事圓融，入圓十向位也。「安立行」者，入佛知見，隨順一切無漏功德而安住，自度度人，自安安他，猶如大地，自性純善，安立萬物，入圓十地位也。又：出空有之表，故名上行。越斷常二邊，故名無邊行。不垢不淨，故名淨行。不生不滅，故名安立行。

復次，此四導師，即是四種安樂行：正身以修六度萬行，故名上行。正語能宣無邊妙義，故名無邊行。正意無貪瞋嫉妬諸惡，故名淨行。正願以大慈悲，令衆生住妙法中，故名安立行。啓發四安樂行法門，名之爲唱，引接出家在家及非菩薩根機，名之爲導。此四菩薩爲無量地涌菩薩之首領，表四安樂行，乃無量菩薩行之首要及引導，故曰於其衆中最爲上首唱導之師。

四菩薩問辭，有長行及偈頌，各有二意：一、問如來安樂不？二、問衆生易度不？前問自行，後問化他，亦即問自度而後度人也。又所問即如來衣、座、室的三軌安樂行，故問如來安樂行否？初心菩薩是觀行安樂行，地涌菩薩是分證安樂行，佛是究竟安樂行。佛本無病惱，但因生佛同體故，以衆生之病惱，即爲佛之病惱。如維摩詰長者說：衆生有病，我即有病也。衆生易受教化，佛則度生事業順利，無有疲勞。然閻浮提衆生，其性剛強，難調難化，故使四菩薩省問本師：所應度者受教易不？不令世尊生疲勞耶？佛世尚爾，佛滅法衰，衆生難度，更不待言。在今末法，若不以易行之淨土法門，普度衆生，衆生何能得受化出離生死苦海？又怎能令佛菩薩不生疲勞？願一切大心菩薩三思三思之！

戊六、世尊慰答

爾時，世尊於菩薩大衆中而作是言：如是，如是，諸善男子！如來安樂，少病，少惱，諸衆生等易可化度，無有疲勞。所以者

何？是諸衆生，世世已來常受我化，亦於過去諸佛恭敬尊重，種諸善根。此諸衆生始見我身，聞我所說，即皆信受入如來慧；除先修習學小乘者，如是之人，我今亦令得聞是經，入於佛慧。

佛安慰答覆之詞，雙答安樂及易度，兩事相成，安樂故易度，易度故安樂也。所以者何以下了解釋，此中有三意：(一)世世見佛久植善根故。(二)曾已成就大乘種姓，聞說華嚴或方等般若，即皆信受故。以上二種即是頓悟直趣菩薩。(三)迂迴之衆，初雖習小不從大，至聞法華，亦皆迴小入大，這是迴小漸悟菩薩。當知：本師示現人間說法化衆，雖然經過五味調熟，而皆令衆生開示悟入佛之知見則無殊，不過教相不同而分五味而已。華嚴乃兼別教，以明佛慧。阿含但明藏教生滅四諦之佛慧。方等對小彈斥，對大讚歎，以明佛慧。般若帶明三乘共般若，以明佛慧。唯有法華，開前兼但對帶，咸入一切種智海。五時能詮之教相純什有異，所詮佛慧之理無殊；而法華得稱純圓獨妙者，則在其無兼但對帶，又總攝兼但對帶。菩薩聲聞，乃至凡有聞妙法者，無一不成佛，是真了義，真滿字教，真同圓一乘也。不過，如上所說，這是天台一家之說，善學法者，不可執一非餘，執此非彼，有所諍競。

戊七、師資互讚

爾時，諸大菩薩而說偈言：

善哉善哉 大雄世尊 諸衆生等 易可化度 能問諸佛
甚深智慧 聞已信行 我等隨喜

於時，世尊讚歎上首諸大菩薩：善哉！善哉！善男子！汝等能於如來發隨喜心。

佛與四大上首菩薩，即是久遠前教化的老師與弟子。今爲破衆生執近迹之心，故互相問答讚歎，俾令法華會衆生希有之心，然後便可開迹顯本，開近顯遠也。「能問諸佛」者，如華嚴、方等、般若經中，俱有當機問法菩薩，就是法華會上舍利弗三問，皆爲能問諸佛者也。「甚深智慧」，即是佛的權實二智，如方便品說：「諸佛智慧，甚深無量（實智）；其智慧門，難解難入（權智）。」凡是能問佛的甚深智慧，必然是久受諸佛所化，久植大乘善根，這種衆生，當然易可化度，但只是絕少數。所以本師久默斯要，不務速說，迨至法華會上，才正直捨方便，但說無上道也。問者既然根熟，故能隨聞即信即行，即開佛慧，而得自度度人，故曰：易可化度。「我等隨喜」者，四大菩薩代表地涌諸菩薩讚佛已，自

述隨順此能問能信能行之人及功德，而亦歡喜依教奉行。可知，能問之上首菩薩，是古佛示現，所以本師歎其能於如來發隨喜心，即歎其本也。

丁四、菩薩陳疑

戊一、彌勒問釋迦

己一、大眾懷疑

爾時，彌勒菩薩及八千恆河沙諸菩薩衆，皆作是念：我等從昔已來，不見、不聞如是大菩薩摩訶薩衆，從地涌出，住世尊前，合掌供養，問訊如來。

彌勒菩薩，乃此土後補佛，爲等覺菩薩之上首，其名號在序品已講解。法華會始，本師入定放光東照，即由其興疑致問文殊。今見地涌菩薩，亦由其動念申問本師，不由他人。此中顯示一乘妙法，一心萬行，萬行一心，乃佛自證的境界。由佛的證法而流出的一乘教法，彼等覺菩薩如彌勒者，亦尚未了徹，故有疑問。蓋如來自證流出之大乘法門有三：(一)以衆生本識爲本，開顯無垢識，自性清淨，令得轉識成智，此爲唯識法門。在本師一代時教中，常假彌勒菩薩開示之，故稱彌勒爲有(唯識)宗始祖。(二)以啓發二空之智，爲萬行之先導，由此悟證二空

眞如，成就佛果功德，此爲般若法門。則常假文殊菩薩開示之，故稱文殊爲空宗始祖。(三)直從佛之圓滿妙覺(淨心)果海，發心信解起修爲因，使最初發心之一念，即直入佛之淨心本覺果海，此爲佛果法門。禪宗的頓悟漸修，淨土宗的觀念彌陀皆屬此。所以古德說：參禪與念佛法門，都是以佛的果地覺爲因地心，及其成就，即因心爲果覺，因該果海，果徹因源，法爾如是。不過禪與淨，下手入門不同，淨由有門，念報化佛，禪由空門，觀法身佛。其實佛的三身，即是一身，以佛果三身爲緣，從而顯發衆生自性的三身佛也。以上三種大乘法門，華嚴與法華皆兼有三種，正屬佛果法門，故由彌勒後補佛而代表申疑也。

復次，彌勒及八千恆河沙菩薩，咸皆從未見聞是人是事，因此疑念從何而至？凡有四意：(一)自本師於菩提場成道後，直至今說從地涌出品以前，十方大士來會不絕，雖然無量，我彌勒以補處菩薩的智力，悉見悉知其來歷，唯獨現今從地涌出之諸菩薩，我卻不識一人。(二)我彌勒及八千恆河沙菩薩，常遊十方，奉覲諸佛，一切海會，無不參與；但就所到之處，亦未見過此等地涌菩薩，或來或去，乃至不見不識其中一人。(三)此諸菩薩本迹難思，所有眞實與應化之事，皆非彌勒境界，正因有所不知，故申疑請問。(四)本師要託付宏通妙法，故召久化之諸大

菩薩，奉命而來，密開久遠壽量。此非法華會衆之所知，既不知如來密旨，故有疑問也。如上四意，彌勒雖是補處，乃近成故不知久本。或以彌勒是善巧方便利他故，其本無有疑，是爲衆生不識不知，而申疑請問也。

己二、彌勒致問

庚一、長行

時，彌勒菩薩摩訶薩，知八千恆河沙諸菩薩等心之所念，並欲自決所疑。

彌勒知大衆疑念，又因自己亦有疑未決，故致問如來，以決了所疑。

庚二、偈頌

辛一、標問

合掌向佛以偈問曰：

無量千萬億 大衆諸菩薩 昔所未會見 願兩足尊說

辛二、正問

是從何所來 以何因緣集 巨身大神通 智慧回思議
其志念堅固 有大忍辱力 衆生所樂見 爲從何所來

從此以下共有十八頌半，先十六頌半，正問所疑事。後二頌，結問請答。這二頌，重頌前問菩薩來處？謂從何處及以何因緣而來？並讚所見地涌菩薩之德有五：(一)巨身。即身量大，不同此土菩薩其形卑小。(二)大神通。謂具有大慈悲不可思議的神通，此即入如來大慈悲室也，所謂：慈善根力，法爾應機，饒益衆生。(三)智慧回思議。回音頌，不可得義。謂智慧能通達一切人法空，此即坐如來法空座也，所謂：雖知諸法空，而常莊嚴國土，成熟衆生。(四)志念堅固。謂具事理二種四弘誓願，以宏通妙法也。(五)有大忍辱力。謂住忍辱地，柔和善順，此即著如來忍辱衣也，所謂：八風不動，於法無所行，亦不分別。具有宏經三軌之德，並有大身與大心，故爲一切衆生所樂見。

又，得身安樂行，證法性身，名爲巨身。得口安樂行，具四無礙辯及四無畏，名爲有大忍辱力。得意安樂行，慈悲於一切，說法無障礙，名爲有大神通，智慧回思議。得誓願安樂行，隨在何地，引衆生住一乘法中，名爲其志念堅固。能修如是四安樂行，故爲衆生所樂見也。

一一諸菩薩 所將諸眷屬 其數無有量 如恆河沙等
或有大菩薩 將六萬恆沙 如是諸大衆 一心求佛道

是諸大師等	六萬恆河沙	俱來供養佛	及護持是經
將五萬恆沙	其數過於是	四萬及三萬	二萬至一萬
一千一百等	乃至一恆沙	半及三四分	億萬分之一
千萬那由他	萬億諸弟子	乃至於半億	其數復過上
百萬至一萬	一千及一百	五十與一十	乃至三二一
單已無眷屬	樂於獨處者	俱來至佛所	其數轉過上
如是諸大眾	若人行籌數	過於恆沙劫	猶不能盡知

此九頌，是頌問菩薩數量。初一頌，總歎其數無量。次七頌，乃次第舉所見數目。後一頌，結說無量。前面如來不許一科，佛說我娑婆世界自有六萬恆河沙等菩薩，一一菩薩各有六萬恆河沙眷屬。如此爲一類，則有三十六萬恆河沙之大菩薩，皆一心求佛道，俱來供養佛及護持是經。其次有將（帶領）五萬恆河沙眷屬的菩薩，其數更多，將四萬、三萬、二萬、一萬、乃至將一恆河沙，乃至千萬億那由他分恆河沙之一的眷屬者，其數字又比前更大，已不能盡說；況還有將千萬億那由他眷屬，將萬億、乃至半億弟子者，其數又復超過前面的菩薩。更何況將千萬、百萬、乃至一千、一百、一十、五四三二一的弟子者，那又後後多於前。另外有樂於獨處，沒有眷屬的單身漢菩薩，其數目之多，超過一切有眷屬者。如是等諸菩薩大眾之數字，真是不可思議，假使有人行籌計算，就是用現代電腦計算機，經過恆河沙劫的長時去計算有多少，也是不能完全盡知。

如上所頌從地涌出無量菩薩，約觀心說：是表不思議的平等淨心之體，名爲本覺。所緣起無量的菩薩，名爲始覺，所將眷屬表由覺心所起之種種念。由同一平等淨心（地），緣起（涌出）無量各別的心（菩薩），每一各別的心又緣起無量各別的念（眷屬）。依此推廣，此一衆生的無量心念爲主，其他無量衆生的無量心念爲伴，彼一心念爲主，其餘心念又爲伴；彼此互爲主伴，彼此互相緣成，重重無盡，無量無邊，即是十玄門中的同時具足相應門，因陀羅網境界門，託事顯法生解門。利根人由此便可悟入佛之知見，一心萬行，萬行一心，而登華藏玄門，入毘盧性海也！

當知：衆生莫不有前後相續，無始無終的心，有心則必有念。念佛成佛，念菩薩做菩薩，念人爲人，念畜生是畜生，念空便空，念有便有，念什麼便緣起什麼，起念皆重成種，有種則必緣起現行果報。因此，十法界依正，皆由一念所具，一念而分，關鍵就在妄念與淨念，惡念與善念，念空與念有之間。所以禪宗祖

師開示學人下手工夫「莫妄想」！淨土宗祖師開示學人下手工夫「都攝六根，淨念相繼。」無量壽經開示修淨業行人「一向專念無量壽佛。」諸佛教誡佛弟子「諸惡莫作，衆善奉行，自淨其意（念）。」希望大家，三復斯言！要以彌陀因地的法藏比丘爲榜樣，其心寂靜，志（念）無所著，具足五劫，思惟攝取莊嚴佛國清淨之行。

是諸大威德 精進菩薩衆 誰爲其說法 教化而成就

從誰初發心 稱揚何佛法 受持行誰經 修習何佛道

此二頌，初五句問教化之師是誰？後三句問修行什麼佛法？

辛三、結請

如是諸菩薩 神通大智力 四方地振裂 皆從中涌出

這一頌，是總結讚歎地涌菩薩，有大神通及大智力。

世尊我昔來 未曾見是事 願說其所從 國土之名號

我常遊諸國 未曾見是衆 我於此衆中 乃不識一人

此二頌，說明彌勒等雖然經常遊化十方國土，但從未見過這些菩薩，甚至不識其中一人，更未曾見有從地涌出之事；故請佛答示彼菩薩衆之來處。

忽然從地出 願說其因緣

這二句，是請答從地涌出有何因緣。

今此之大會 無量百千億 是諸菩薩等 皆欲知此事

是諸菩薩衆 本末之因緣 無量德世尊 惟願決衆疑

此二頌，明法華大會同請答示，以決衆疑。欲知此事本末因緣，即指地涌菩薩，若師、若法、若來處、若來緣，皆總請佛答示也。

戊二、侍者問分身佛

己一、問

爾時，釋迦牟尼分身諸佛，從無量千萬億他方國土來者，在於八方諸寶樹下師子座上結跏趺坐。其佛侍者，各各見是菩薩大衆，於三千大千世界四方從地涌出，住於虛空，各自其佛言：世尊！此諸無量無邊阿僧祇菩薩大衆，從何所來？

本師分身十方的應身佛，無量無邊，菩薩侍者亦無量無邊，雖然橫徧十方，亦復不知地涌諸菩薩的本地。如方便品說：「唯佛與佛乃能究盡諸法實相。」諸法實相，即是一心緣起百界千如，百界千如不離一心。此心相續，無始無終，名

爲無量壽，這是本地風光，分身諸佛的侍者，當然有所不知，故申疑問也。

己二、答

爾時，諸佛各告侍者：諸善男子！且待須臾，有菩薩摩訶薩名曰彌勒，釋迦牟尼佛之所授記，次後作佛，已問斯事，佛今答之，汝等自當因是得聞。

分身諸佛皆不爲答，必待本師答彌勒者，此明前節彌勒所問事迹不輕，乃釋尊一代時教從來未曾顯說者。因茲答問，廣顯是心作佛，是心是佛，心既無量壽，佛即無量壽，此名如來秘密之藏；故須待本師自己開顯，則九法界衆生皆當聞知，故曰：汝等自當因是得聞。良以分身諸佛來集，原爲證此經勝妙，亦爲證明宏經勝益；故不應答心作心是，開迹顯本之大事也。

丁五、如來讚許

戊一、長行

爾時，釋迦牟尼佛告彌勒菩薩：善哉！善哉！阿逸多！乃能問佛如是大事。汝等當共一心，被精進鎧，發堅固意；如來今欲顯發宣示諸佛智慧，諸佛自在神通之力，諸佛師子奮迅之力，諸佛

威猛大勢之力。

今佛欲開迹顯本，開近顯遠，乃四十餘年所未顯發者，即是開秘密藏，是佛之大事，故先讚能問之彌勒，許當爲說。次讚佛所說真實，勸當信受。亦即表傳佛心印，唯佛佛相傳，餘人不堪也。「乃能問佛如是大事」者，指彌勒前節所問，不僅問菩薩之因行，亦問佛果覺地之功德大事，爲後壽量品作引導，故佛雙讚其善哉！善哉！又初讚善哉！讚其所問能上契諸佛之心。次讚善哉！讚其所問能下契羣生之念。「一心」誠勿散亂，「精進」誠勿懈怠，「堅固」誠勿退轉。良以如來實智久成，化迹長遠，法身豎窮三世，橫徧十方，非等覺已下菩薩能思議；若不一心精進堅固，則不能契合如來權實二智，故先寄彌勒以告誡會衆。此亦有如世自在王佛開示法藏比丘：「人能至（一）心精進，求道不止（堅固），會當剋果，何願不得。」同一意趣！

「諸佛智慧」，即後面壽量品所說如來法報二身，法身是諸佛的智慧性，報身是諸佛的智慧相。「諸佛自在神通力」，謂諸佛法身非長壽非短壽，而能長短隨機應化，伽耶成道的本師，乃由法身自在神通力所應化故。「諸佛師子奮迅之力」，即喻本師今說決定了義之教，示三身即一身之事。有如師子將欲決定所作

，必先奮迅，頓豎身毛，疾揚其身，令見聞者敬伏信受。又師子奮迅有三義：一、欲去塵。二、欲申舒。三、顯無畏。用喻佛今示法身無生無滅，無始無終，可以去凡夫二乘有始終有生滅之執。今開顯權身即實身，作無量壽之決定說，示無生死之可畏，故喻師子奮迅之力。「諸佛威猛大勢之力」，此喻佛今所說，法身常住，應身無常，能制伏摧破一切異端邪說而不信者。因彌勒之疑問，佛將把如來之秘密，一一顯示，故曰如來今欲顯發宣示。或以智慧力是佛的法報身，神通、奮迅、威猛等三力，是佛化身的神變，記心、教誡等三輪不思議化。或以諸佛智慧，是總標果智，即如來知見。約諸佛法報身，過去久遠益物，名爲自在神通力。約諸佛化身，現在分應十方，名爲師子奮迅力。約諸佛三身，未來度生無窮，名爲威猛大勢力。總之，顯佛的三身即一身，能三世益物的秘密，是爲開迹顯本，開近顯遠也。

復次，諸佛自在神通之力者，稱體大用，周徧法界，非古非今，無障無礙，隨機利物，皆令得一切種智，此一心具萬行也。諸佛師子奮迅之力者，能降伏天魔及九十六種外道，歸於正法，同成佛道也。諸佛威猛大勢之力者，先由實施權，後會三歸一，究竟無二無三，此萬行即一心也。當知：如來自行化他的權實二

智，皆究竟圓滿，攝用歸體，則萬行會歸一心。由體起用，則一心緣起萬行。可分可合，體用不離，權實不二，佛佛道同，法爾如是，此名諸佛智慧，亦即佛之知見。超九界而獨尊，無能屈服，故皆云力。總之，此四句是顯發吾人現前介爾一念之心，生佛平等，諸佛已復本心源，故有無量智慧，自在神通，威猛無畏，具足一心萬行，萬行一心之不可思議功德。衆生本有今迷，釋尊特假地涌菩薩之因緣事相，加以顯示宣說，令凡有見聞，同獲此不思議之一心，亦有無量智慧，自在神通，奮迅大勢之力，則不負己靈矣！

戊二、偈頌

爾時，世尊欲重宣此義而說偈言：

當精進一心 我欲說此事 勿得有疑悔 佛智回思議

此一頌，誠聽許說。佛智不可思議者，諸法萬行唯一自性清淨心，此心相續，無始無終，無名無相，如來獲本淨心，名佛智，此爲成佛之遠本，非語言所能宣，非妄心所能測，故名不可思議。初發意菩薩，未能頓契，唯在仰信而已，故佛誡之：我今說此一心具萬行，萬行即一心之事，你們勿得有疑懼或悔退也。

汝今出信力 住於忍善中 昔所未聞法 今皆當得聞

我今安慰汝 勿得懷疑懼 佛無不實語 智慧不可量
所得第一法 甚深回分別 如是今當說 汝等一心聽

初一頌半，勸慰信受。信而有力，斯爲深信，仍須住於忍善之中，即是經過智慧抉擇，則此信力更爲不可動搖。次一頌半，讚歎佛說真實，汝等必須深信佛語不虛，以此信心，聞受昔所未聞之法，即是本經。前說迹門，是約佛化他所施方便，過去所說由一心而起萬行，由實施權，皆無不真實。今說本門，是約佛自行所得佛果，開近顯遠，開迹顯本，會萬行即一心，亦無不真實。故云：佛無不實語，所得第一法，甚深回分別，如是今當說。此乃如來同體大慈，一面安慰勸信，一面讚歎真實，教誡一心聽受，叮嚀再四者也。從本品初至此，是爲法華本門發起序。

丙二、正說

丁一、略示久遠以動執生疑

戊一、如來略明久遠以動執

己一、長行

(一)雙答

爾時，世尊說此偈已，告彌勒菩薩：我今於此大眾宣告汝等。阿逸多！是諸大菩薩摩訶薩無量無數阿僧祇，從地涌出，汝等昔所未見者，我於是娑婆世界得阿耨多羅三藐三菩提已，教化示導是諸菩薩，調伏其心，令發道意。此諸菩薩，皆於是娑婆世界之下，此界虛空中住。

此雙答彌勒二問：誰爲其說法，教化而成就，從誰初發心？是從何所來？佛明告我釋迦在娑婆成道後，爲其說法，是其教化師。此諸菩薩皆從此世界下空中住而來。

(二)雙釋

於諸經典，讀誦通利，思惟分別，正憶念。阿逸多！是諸善男子等，不樂在衆，多有所說，常樂靜處，勤行精進，未曾休息，亦不依止人天而住。常樂深智，無有障礙，亦常樂於諸佛之法，一心精進，求無上慧。

此雙釋住來之處，及其修行。亦即答彌勒所問稱揚何佛法？受持行誰經？修習何佛道？

「於諸經典，讀誦通利，思惟分別，正憶念。」這幾句經文，是解答地涌菩薩之修行，皆依大乘經而修，具足大乘聞思修三慧。已復本心源，親證十方三世一切佛法，皆是自心現量，悉入一心之中，亦悉入法華妙典之中，一即一切，一切即一，權實不二，小大不二，佛法平等，無有高下，終不取一捨一也。讀誦通利，是聞慧，思惟分別是思慧，此正答稱揚與受持之問。正憶念是修慧，正答修習之問。

「不樂在衆」以下，是解答住來之處。這些地涌菩薩，久遠以來，修習法華，契合一心萬行，萬行一心，心已調伏，心已清淨，依於淨心所具權實二智，是心作佛，是心是佛，發勝義菩提心，修安樂行。其心清淨，所居娑婆無復幻垢之相；安住於常寂光土之中，亦即住第一義空。故曰：不樂在衆，不住方便土。亦不依止人天而住，不住同居土。於此界下虛空中住，即住寂光法性土。「常樂深智」至「求無上慧」，這五句經文，是住實報土之相。

復次，界內界外五陰，名之爲衆，照見五陰皆空，名爲不樂在衆。二邊分別，說有說空，說大說小，名爲多有所說。不說二邊，不行二邊，唯說唯行中道，名爲不樂多有所說。常安住於心性大寂滅海，名爲常樂靜處；但又寂而常照，從體起法界大用，盡未來際，利樂有情，而無沉空滯寂之病，名爲勤行精進，未曾休息。由其常樂深智，無有障礙，所以能於藏通別圓諸教經典，悉皆稱揚。由其常樂諸佛之法，所以能讀誦通利，思惟分別。由其一心精進求無上慧，所以能正憶念。

己二、偈頌

爾時，世尊欲重宣此義而說偈言：

阿逸汝當知	是諸大菩薩	從無數劫來	修習佛智慧
悉是我所化	令發大道心	此等是我子	依止是世界
常行頭陀事	志樂於靜處	捨大衆憤鬧	不樂多所說
如是諸子等	學習我道法	晝夜常精進	爲求佛道故

此四頌，頌答誰爲其師及如何修行之問。「從無數劫來」者，即略爲開迹顯本，開近顯遠。「修習佛智慧」者，即答示唯有教化與修習法華經，能得佛的智慧。「悉是我所化，令發大道心」者，即答示我是其久遠所化的老師，令發大菩提心，行菩薩道，已暗示本師久遠成佛也。「此等是我子」者，本師明示此等大菩薩的確是我的弟子，我是他們的教化師。「常行頭陀事」以下，是答示弟子所

修之苦行。頭陀行，共有十二事：一、著糞掃衣。二、但三衣。三、常乞食。四、日中一食。五、不作餘食。六、節量食。七、住阿蘭若。八、塚間坐。九、樹下坐。十、露地坐。十一、隨地坐。十二、常坐不臥。此依大乘義章所列。如依智度論說，則無不作餘食及隨地坐，另加次第乞，與中後不飲漿二種。

在娑婆世界 下方空中住 志念力堅固 常勤求智慧
說種種妙法 其心無所畏

初二句，頌答住來之問，次四句，歎其具足二利功德。念堅求慧，是歎其自利德，說法無畏，是歎其利他德。

我於伽耶城 菩提樹下坐 得成最正覺 轉無上法輪
爾乃教化之 令初發道心 今皆住不退 悉當得成佛
我今說實語 汝等一心信 我從久遠來 教化是等衆

初二頌，頌答從誰初發心，教化而成就之問，次一頌結勸生信。「伽耶城」在佛成道的菩提場附近。據西域記說：渡尼連禪河至伽耶城，城中住婆羅門千餘家。伽耶山，此云象頭山，在伽耶城東南方約三里許，山上有佛成道的菩提場。本師於此菩提樹下成佛，是指過去久遠劫前之菩提場，非今本師成道之伽耶山。

譬如說佛常在靈鷲山，非山常在，而是說佛常在經過無量次數成壞的靈山。佛於此城成道亦爾。頌文既說成道之後令初發心，又說從久遠來教化是等衆，已很明顯說出，本師成道久遠。即指過去威音王佛時，及大通佛世十六王子結緣時，在那久遠以來已成佛，已說法度生，教化這些地涌菩薩，令初發道心，今皆住於不退轉地。此即略開近而顯遠，略開迹而顯本。本師本欲以久遠已成之佛果，開示衆生，但非衆生思議所及，故方便召地涌菩薩，令在會諸菩薩等大衆，見而執動疑生，由是請佛解說，乃有後文壽量品之廣明本迹，以斷疑生信。因此佛再三勸大衆，當一心信佛語不虛也。

戊二、大衆疑生而致請

己一、長行

庚一、疑問

辛一、懷疑

爾時，彌勒菩薩摩訶薩，及無數諸菩薩等，心生疑惑，怪未曾有，而作是念：云何世尊於少時間，教化如是無量無邊阿僧祇諸大菩薩，令住阿耨多羅三藐三菩提？

因認為教化之時間很短，只有數十年，而所化之菩薩，無量無邊，又皆使住於無上正徧知，這是不可能的事，所以懷疑申問。

辛二、申問

壬一、法說

即白佛言：世尊！如來爲太子時，出於釋宮，去伽耶城不遠，坐於道場，得成阿耨多羅三藐三菩提。從是已來，始過四十餘年，世尊云何於此少時大作佛事？以佛勢力，以佛功德，教化如是無量大菩薩衆，當成阿耨多羅三藐三菩提？

此一段文，是執近以疑遠之問。執著近見本師成佛時短，何能教化無量菩薩當成無上菩提？「成佛以來，始過四十餘年」者，一般說，釋尊十九歲出家，五年事仙人修世間禪樂行，六年獨自修苦行，至三十歲以不苦不樂之中道行成道，說法四十餘年，始說法華，直至八十歲說大涅槃經後，即滅度矣！此如智度論，及本起因果經所說也。另有一說，本師廿九歲出家，六年苦行，卅五歲成道，總共說法四十五年便入滅。此如增一、中、雜阿含經所說，唐玄奘大師的西域記亦採此說。今彌勒言成道始過四十餘年，即本師今已七十餘歲。佛說法華共八年，

至此品已過一半，再過四年說完，即八十入滅，於事較爲適合。

世尊！此大菩薩衆，假使有人於千萬億劫數不能盡，不得其邊。斯等久遠已來，於無量無邊諸佛所植諸善根，成就菩薩道，常修梵行。世尊！如此之事，世所難信。

這一段文，是執遠以疑近之問。疑地涌菩薩數多德勝，實已久遠修行，何能說是本師今世成道後所化？由上兩疑，故總結說：「如此之事，世所難信。」約佛度生之不可思議勢力功德說，弟子應當仰信無疑；但以可思議的事相方面說，實在令人難以相信，故須申問。

壬二、譬說

譬如有人，色美髮黑，年二十五，指百歲人言是我子，其百歲人亦指年少言是我父，生育我等，是事難信。

此一段文，舉譬以明有執難信故問。「色美髮黑」，此喻佛有相好莊嚴，雖然年將八十，而無衰老之相。「年二十五」，此喻佛雖出生死，爲度衆生，示入二十五有，成道度生，皆是極近之事，故喻爲少年。此即譬喻前說執近以疑遠也。「百歲人」此喻所化菩薩，德高位崇，百福莊嚴。此即譬喻前說執遠以疑近也。

。今年少生育百歲人，幼爲老者父，世間無此事，亦無此理，用譬因有近遠二執，故難信也。

壬三、合說

佛亦如是，得道已來，其實未久。而此大眾諸菩薩等，已於無量千萬億劫，爲佛道故勤行精進，善入出住無量百千萬億三昧，得大神通，久修梵行，善能次第習諸善法，巧於問答，人中之寶，一切世間甚爲希有。

這一段文，是合前面譬說的疑問。彌勒本知，憫大眾有所不知故陳疑申問。又因親見此諸菩薩從地涌出之神通，由果推因，故陳說此諸菩薩必是久修久證之士，非是四十餘年前，佛成道才勸發心修行者，故有執遠以疑近之問。初三句牒說佛成道時短，合年二十五，不應有百歲子也。後牒說地涌菩薩有七勝德：一、修時長。二、勤精進。三、定自在。四、得大神通。五、久修梵行。六、能習世間出世間善法，又能三學圓修，故曰次第。七、巧問答。具此七德，故爲人中之寶，世間希有，合百歲人，不應是少年所生也。何爲善入出住三昧呢？九次第定是善入，師子奮迅三昧是善出，超越三昧是善住，此藏通教意。從初地至十地名

善入，十地入事事無礙法界，倒修凡夫事名善出，妙覺徧滿名善住，此別教意。大乘止觀入修圓滿，親證心性自清淨，諸法唯一心名善入。首楞嚴名善出，王三昧名善住，此圓教意。本無出入住相，示現有出入住，故曰善巧。若初心菩薩，能端身正念，趣於寂定，是名爲善入。堅固不動，如須彌山，不爲八風所搖動，是名爲善住。身心安祥，從禪定起，爲諸衆生說法華經，是名爲善出。以修淨土法門說：執持名號，達於一心不亂，名爲善入。都攝六根，淨念相繼，名爲善住。隨緣作息，一句佛號了了分明，正念不失，名爲善出。

今日世尊，方云得佛道時初令發心，教化示導令向阿耨多羅三藐三菩提。世尊得佛未久，乃能作此大功德事。

此合前結說難信之譬。

庚二、請答

我等雖復信佛隨宜所說，佛所出言未會虛妄，佛所知者皆悉通達；然諸新發意菩薩，於佛滅後，若聞是語，或不信受，而起破法罪業因緣。唯然世尊！願爲解說，除我等疑，及未來世諸善男子，聞此事已，亦不生疑。

彌勒陳述有疑請問之所由，完全爲現在及未來世初心菩薩，暨一切佛弟子設想。在我等久從佛化的菩薩來說，知道如來說法，無不隨順衆生所宜，從無妄語。又我等於佛所說，縱未了解，然因信佛的智慧通達無礙故，也能確信佛之所說。至於那些新學菩薩，則往往以凡夫心量測度聖人，對如來所證不可思議的境界，所說的言教，不能信受，反而疑誘，或認爲虛妄，或指爲惑世之說，自不信佛，又阻人信佛，是爲破法之罪業因緣。就以不退菩薩說，雖現在能仰信，但心未了解，亦須請如來解說，令現在及未來有疑者生信，已信者增進道業，有此利益，故我慇懃請答也。

己二、偈頌

庚一、頌疑問

(一)頌法說

爾時，彌勒菩薩欲重宣此義而說偈言：

佛昔從釋種 出家近伽耶 坐於菩提樹 爾來尙未久

此一頌，重頌大眾執近以疑遠。「釋種」，指本師化身在釋迦種族出生。

此諸佛子等 其數不可量 久已行佛道 住於神通力

此三頌，重頌大眾執遠以疑近。「不染世間法」，謂在塵而出塵，不爲世間的一切煩惱所染污。

佛得道甚近 所成就甚多 願爲除衆疑 如實分別說

此一頌，結頌大眾執近執遠之心，希望如來依於真實之事理，分別解說，以除衆疑。「佛得道甚近」，指本師成佛以來，只四十餘年，此是執近。「所成就甚多」，指地涌無量菩薩，久已成就的神通功德甚多，此是執遠。

(二)頌譬說

譬如少壯人 年始二十五 示人百歲子 髮白而面皺
是等我所生 子亦說是父 父少而子老 舉世所不信

「皺」音照，皮膚有皺紋，是年老相。髮白是久修聖道之像徵，面皺是相好未圓之形容。初五句頌執近疑遠之譬，第六句頌執遠疑近之譬，後二句頌結難信之譬。

(三)頌合說

世尊亦如是 得道來甚近 是諸菩薩等 志固無怯弱
 從無量劫來 而行菩薩道 巧於難問答 其心無所畏
 忍辱心決定 端正有威德 十方佛所讚 善能分別說
 不樂在人衆 常好在禪定 爲求佛道故 於下空中住

初二句，頌合年二十五。次十二句，頌合百歲子，即是前面所說讚菩薩有七勝德。後二句，頌合菩薩住處。所頌菩薩七勝德，可歸納於弘經三軌：「是諸菩薩等」至「而行菩薩道」四句，頌其入如來慈悲室也。「巧於難問答，其心無所畏。」二句，頌其坐如來法空座也。「忍辱心決定，端正有威德。」二句，頌其著如來忍辱衣也。「十方佛所讚，善能分別說。」二句，頌其三軌圓滿故，爲諸佛所讚歎，能善巧分別演說法華經。

庚二、頌請答

我等從佛聞 於此事無疑 願佛爲未來 演說令開解
 若有於此經 生疑不信者 即當墮惡道 願今爲解說
 是無量菩薩 云何於少時 教化令發心 而住不退地

這一科略示久遠以動執生疑，至此已竟。接下去即是壽量品，廣明本迹以斷

疑生信，亦是正答本品大眾疑近疑遠之間。此重頌請答中，先言：我等因從佛親聞，以信佛故信佛所言，並不疑於此事。繼謂：佛在少時能教化無量菩薩，皆令發大菩提心，行菩薩道，而住於別教初地以上三不退位，實難令佛滅以後，未來的佛弟子聞而相信。故今願求佛爲他們分別解說，免致疑謗而招罪，墮入地獄，受苦無窮也。

第三章：問答研討

問：本師住世僅八十年，說法四十餘年，八年說法華，地涌菩薩讚佛怎麼有五十小劫呢？

答：如維摩結經說：「維摩丈室，得容三萬二千師子座，一一座高八萬四千由旬。」室小既可容大，時短亦能容久，此理相同。約真諦說，時空本無實法，大小久暫悉皆平等。約俗諦說，則大小久暫各有其本位事相。在衆生未達二諦融通之時，大小久暫不相容攝。若在二諦圓融的佛菩薩言，一切大小久暫差別相，皆是一相一味，如前藥草品說，終歸於空。大小之空，久暫之空，如空合空，當然可以互相納入，五十小劫，謂如半日，有何可疑。但這是佛的境界，非凡夫所能思議，故經文曰：「以佛神力故」。如金剛經說：「一切有爲法，如夢幻泡影

。「吾人應作如是觀才好。例如中國傳說的黃梁夢，也不是幾十年的榮華富貴，醒來即是片刻嗎？時間久暫如夢無實也！」

問：多寶塔與地涌諸菩薩，皆是從地涌出，含義有何不同？

答：兩者俱顯如來法身，但見塔品以能化顯能化，此品則以所化顯能化。能化顯能化者，以能化的多寶佛實本不滅，方便示滅，此顯能化的世尊法身本無生滅，今說法華之釋尊及十方分身佛，皆是方便示現有生有滅的應身佛。所化顯能化者，以本師所化之地涌菩薩時久數多，即顯能化之釋尊成佛已在久遠。

問：何故要顯發本師成佛已久呢？

答：佛的真應二身有其二義：一者法（真）身無生滅，應身有生滅。二者法身唯一，應身即多。見寶塔品已顯此二義，但未知釋尊是近證法身，爲是久遠已證，故有此品以爲發起，及略明久證。然後在壽量品則廣爲宣示，佛身無生滅，隨緣示生滅；佛壽無始終，方便示始終。具此二義，佛果始爲究竟，故須以地涌菩薩之因緣，顯發釋尊法身之無量壽也。

從地涌出品結要頌：

裂地住空有甚奇，法身妙用皆現成，

萬行一心無老少，一心萬行有古今。